

山法窍诀·选择刹土文

噶玛恰美仁波切 著

益西彭措堪布 译

PAGE
*
MERC
EFORM
AT2
山法窍诀·选择刹土文

稀奇哉！

慧子宗哲问师尊，无论寿命何等长，
无法存活过百年，何为死时大义要？

此于行极重要，一生积资净障者，
如备骏马之鞍辔，发愿回向衔控制，
趣向自身所欲刹。总说诸佛境界相，
六道有情错乱相，现有无量净秽刹。

最胜密严法界刹，此乃周遍虚空刹，
诸业清净者面前，外器世界无量宫，

内情众生即圣尊，轮回苦名亦无有。
虚空所遍诸轮涅，如来身语意周遍，
此乃身语意秘密，秘密经中如是说。

于一尘中微尘数，不可言说清净刹，
诸佛菩萨转法轮，彼此一一无妨碍。
如三千界纳于芥，三千世界未缩小，
外白芥子未扩大，此乃诸佛之神变。
遍空一切刹土中，犹如开启芝麻荚，
诸佛菩萨常安住，此乃诸佛所见相。

凡夫有情现相中，现出六道各自苦，
譬如三类恶趣众，非如夜晚梦境般，
而如现今我等人，各自心前成实体。
今此三千大千界，人类面前现减劫，
某些有情现相中，见此大劫坏灭空，
某些见劫正形成。众多见地为虚空，
某些见空为大地，某些下方见为上，
某些上方见为下。彼等现相难思议，

各自心前成真实，宝积经中广明述。
此乃有情异显现，娑婆三千大千界，
人类共同业所见。彼即轮涅之刹土。

稀奇哉！

从此刹土往东方，存在东方妙喜刹，
彼刹中住不动佛，金刚萨埵同一尊。
东方琉璃刹土中，住有世尊药师佛，
药师七佛亦如此，各自安住彼佛土。
从此刹土往南方，存在受用具德刹，
彼刹中住宝生佛，彼佛又称珍宝顶。
从此刹土往北方，存在吉祥胜业刹，
刹中不空成就佛，彼佛又称莲华盛。
彼等刹土皆净土，承许报身小刹土，
实为化身大刹土，未证一地以上者，
彼等刹中定不生。此乃玛吉拉准言，
义同不动佛严经。

密严莲华藏世界，超出思量广大界，

受用庄严无尽故，称为华藏庄严刹。
彼刹中央妙宝宫，超出思量其中央，
狮座莲花日月上，诸佛色身之总聚，
观自在尊报身饰，具五决定受用圆，
华藏庄严处决定，至轮回尽时决定，
十地菩萨眷决定，无上大乘法决定，
口中不言表示传。圣尊一一毛孔中，
成就无量化身刹，刹中随缘利众生，
此乃报身大刹土。毗卢续中如是云。

彼佛手掌钵盂中，出生无量莲花树，
一一上有众多刹，中央一株莲树上，
生有花层二十五，一一上有众多刹。
其十三层莲花上，在每一块花蕊中，
存在无量世间界，中央一颗花蕊中，
成就此刹三千界，此有十亿须弥山，
十亿四大部洲等，一尊化身所化刹，
十亿释迦能仁尊，十亿至尊莲花生，

转动显密之法轮，胜劣有情皆可生。
至尊邬金松赞王，华严经等明此义。
玛吉拉准空行言，密严华藏世界中，
八地以下定不生，与诸地道说法同。

大圆满之续部中，有名燃火尸陀林，
玛衮血海沸续中，有名毗卢尸陀林。
彼大毗卢遮那佛，面前虚空有刹土，
遍地生满毒荆棘，白日狂风夜火炽，
骷髅白骨遍满山，生有刃之草木林，
鲜血脓水浪涛涌，彼处凶猛野兽聚。
彼刹中央妙颅殿，依照忿怒坛城轨，
为名童子大力士，实则第六赫噜噶，
忿怒空行本尊聚，转动无上密咒法。
彼刹不变常存在，除已登地持明者，
决定不生此佛刹，其他凡庸何须说？
一般咒士纵然生，恐惧怖畏昏厥逃。

今时已得持明地，唯以猛利诛法业，

拔脱老母有情者，转生彼刹行密咒，
此乃大持明胜刹，刹中智慧业所成，
护法神祇皆安住。有云仅以刹光触，
稍现清凉之林苑，及八尸林庄严境。
刹中化身护神住，现今如理行密咒，
然若轻毁三昧耶，则生凉园八尸林，
玛袞护法眷属中。今以护法之事业，
所诛得度诸罪者，不得转生清净刹，
然遮下堕恶趣处，转生各自护法眷。
密印授记等中明。

今此三千界而言，上方兜率天宫中，
补处弥勒怙主住。现今唯勤持净戒，
以及闻思正法者，发愿往生彼刹土，
某时外气断无间，弥勒眉间白毫中，
白光如袖而伸展，如虹照触此人顶，
被光卷心得接引，转生兜率天宫中。
开敷莲花垫上生，七天女眷常侍奉。

弥勒怙主演正法，然心散逸歌舞戏。

未来弥勒降世时，彼等命终转生人，
复又出家闻正法，弥勒正法未尽间，
屡次转人持正法。同等贤劫千尊佛，
皆见佛而闻正法，千佛正法住世期，
常转为人持正法。贤劫千佛圆满后，
未来有劫圆形成，劫名称作嘎玛施，
刹中出世八万佛。亲见诸佛并闻法，
皆持诸佛之正法，彼时渐次得佛果。
弥勒授记经中云。

现今发愿及回向，往生兜率者众多，
实成无量众生意。为持至尊佛正法，
不畏受身亿生死，可愿往生兜率天，
常修弥勒发愿法。吾亦如是修七年，
见此轮回之苦故，现今极畏生死苦，
置弥愿诵极乐愿。兜率内院天宫处，
此乃化身小刹土。

从此日轮西南隅，瞻洲小岛罗刹境，
铜色吉祥山顶处，吉祥莲花光明宫，
彼住邬金莲花生，十万持明空行绕，
修宁玛法诸行者，多有发愿生此刹。
胜解至尊邬金故，吾阿闍梨住彼处，
青年吾亦愿生彼，易生故无不生疑。

然今善作思惟故，生彼刹事有贤劣。
上品持明空行类，身六骨饰尸林饰，
身随欲变神变者，成为莲师之眷仆，
凡人不见非躯体。已生彼刹修密咒，
现前安乐终成佛，如是成办乃善妙。
然生身丑罗刹子，乃罗刹故五毒重，
见邬金面闻其语，然视为王敬信微，
不依教行颠倒作，惩罚故或退信心。

苦乐寿命长短等，乃小洲故同此方。
若稍具有善缘者，邬金加持灌顶后，

吩咐莫留去雪域，行持正法利众生，
或欲留亦无权留。本人畏惧此生死，
汝若不惧生死苦，且于莲师深信故，
实际依教而奉行，发愿往生拂尘洲。

此乃化身小刹土，一切往生彼刹众，
或于贤劫长时中，生异处故处不定，
最终往生极乐刹。龙卓译师问答录，
及密传中此义明。

今诵嘛呢咒者多，发愿往生布达拉。
某些本尊法中说，梵语所言布达拉，
藏语译为系舟山，此非刹土乃神山。
业力清净者面前，山顶妙宝宫殿中，
莲花日月叠垫上，菩提萨埵观世音，
持明空行天龙绕；山腰妙宝宫殿中，
顰眉度母马头等；山脚妙宝宫殿中，
白绿度母等安住。

不净错乱者面前，大沙山之旃檀林，
山顶天然石殿中，安住喀萨巴呢尊，
自然而现八岁相；背面琉璃岩山上，
银溶六字自然现，真实前往亦可见。
此于铁足优婆塞，仁钦朗巴传中明。

修持胜乐亥母者，愿生西方邬金境，
彼非刹土乃神山。净者尸林殿中央，
胜乐父母真实住，万亿勇士空行眷。
不净错乱者面前，天然岩石圣殿中，
伏藏一切善说续。据说其中无男子，
此女人洲皆空行，生彼类同拂尘洲。

东方汉地五台山，南方圣境杂日山，
西方雪山冈底斯，业净者前无量宫，
无量勇士空行住。自取勇士空行身，
时长大劫圆满间，时短各尊佛住期，
生为勇士空行身。此乃空行小刹土，
修密咒道成就者，多数如是而安住。

业不净者若至此，见林雪山不见圣，
行深处亦疑不见。是故我亦无希求，
尊珠江措汝何想？

所谓北方香巴拉，实同印度乃人境。
幻化国王续不断，兴盛时轮金刚法，
然寿苦乐与此同。

苯波发愿之情形，即愿往生祥雄地，
彼为冈底后藏地，苯兴苦乐与此同。
是故刹土勿选错。

从此娑婆向西方，一直越过恒沙数，
无量浩瀚世间界，于此世界上方处，
有名西方极乐刹，彼中稀有乐圆满，
尚无恶业苦名字。经云弥陀本愿力，
若人发愿生彼刹，除五无间谤法罪，
谁亦得生彼刹土。又云因乃发觉心，
道为十善广积福，一切回向生彼刹，
专一敬信心不散，求生彼刹回愿者，

下至十念亦往生。

若人怀疑此不实，纵然往生彼净土，
五百年中花不开，堕在边地疑城中，
仍享快乐与受用，耳闻弥陀说法音，
然而将成五百年，延迟见佛之过失，
是故当断此疑惑。汝当发愿生彼刹，
死时心识专注此。若尔于彼心生疑，
应善披读宝积部，无量寿经弥陀经，
以及圣白莲花经，现在诸佛安住经，
无死鼓音陀罗尼，此等佛说诸经函。

今此极为自主时，现今当善选刹土。
备足往生之资本，遣除往生之障碍。
稀奇哉！嘿嘿！

法子比丘尊珠问，彼刹功德乃如何？
经云八十一亿数，具德诸佛清净刹，
庄严功德集为一，若六道众无有余，
成就圆满正觉后，超越大劫时间中，

唯说彼刹之功德，然亦无法述说尽，
鄙人怎能作言说？

西方极乐世界刹，彼有形成无坏灭。
往昔出世无量佛，现今弥陀正安住，
永无变迁与兴衰。国土之量难思议，
刹中不闻八无暇，刹中绝无众苦事，
常时喜乐极圆满，是故名为极乐刹。

彼刹莲花瑞台中，仅一刹那化成身，
非幼童乃青春相，千辐轮相无见顶，
此等相好圆满具。凡生彼刹皆同等，
真金色身比丘相，心具五种大神通，
丝毫无有五毒惑。刹中无有老病苦，
寿命长达无量劫，刹中绝无非时死，
某时于彼命终后，无转他身而间断，
决定成就正等觉。

现今发愿业行果，唯除宿愿为利众，
此外不随业烦恼，受生退堕生死中。

无量宫及饮食等，心中起念自然现。
刹中无需勤农作，食而满足身润泽，
无有秽物大小便。刹中虽无凡夫女，
然有无量供天女，常时于己作承事。
恒时不离诸如来，承事无量供养云，
自手掌中随欲生。彼刹主尊无量光，
恒常之中转法轮。

处所十亿拂尘洲，化有十亿莲师尊，
藏土廿一弥陀冠，此现十亿出世者，
皆是弥陀光化分，莲师实乃阿弥陀。
布达拉处观世音，藏地松赞噶玛噶，
贤劫千佛皆同等，实为观音所幻化，
化基观音自在王，彼乃弥陀之胁士，
长时右胁而安住。杨柳宫中秘密主，
彼复幻化称幢等，十亿尊者之幻化，
化基实为大势至，长时左胁而安住。

从此瞻洲去彼方，圣者龙树塔波尊，
琼波南嘉索仁哲，空行虚空之胜幢，
龙巴金刚持尊等。佛说于此世界中，
七十二亿大菩萨，往生西方极乐国。
见则具义之后盾，身庄严尊亦住彼，
据说十万比丘眷。

心子尊珠命终时，去彼极乐须决定。
现今善加作思维，下恶趣苦难思议，
上人天乐仅春梦。五浊圣教衰减期，
纵然继而转生人，非时死缘等障多。
十岁以前幼无知，常时衣食放逸度，
睡眠消尽半生寿，如今年岁过四十，
无暇修法不见否？众人五毒烦恼重，
利益他人反遭损，于智成者作诽谤，
放肆而行十不善。现今真佛降世尊，
亦难利益诸有情，不成利他成苦因。
一切亲友徒众等，自身死后不久时，

转生为人亦不遇。上述诸义当铭记。

至尊无量光佛身，寿量十万亿大劫，
无论谁亦不可计。某时示现涅槃相，
彼之正法仍住世，两倍恒河沙数劫，
彼时观音自在王，作其补处护正法。
尔时自亦行正法，凡生神通无碍故，
东方妙喜药师刹，北胜业圆南具德，
南布达拉拂尘洲，西邬金等一切刹，
以神变力无碍行，彼彼刹中广行供，
及求灌顶与教授，不久速返极乐刹。
是故若得生彼刹，等同往生一切刹，
来此观戏亦尚可。此刹弥勒狮子等，
一千佛尊应世时，自来供养求正法，
不过夜而回极乐。

第二恒河沙劫后，初夜弥陀正法灭，
后夜分中观世音，成就圆满正等觉，
光明功德山王佛。住世寿量大劫数，

九十六亿那由他，长时作佛随行众。
彼佛涅槃其正法，住世六十三亿劫。
尔时大势至菩萨，彼佛补处持正法。
彼时自亦修等持，从此二障习气净。
某时正法圆满时，大势菩萨成正觉，
善住珍宝山王佛。经云寿命正法量，
等同光明功德佛。彼时自亦行正法，

从此二资皆圆满，此刹或者彼刹中，
命终无间成正觉。是故凡生彼刹众，
经云唯是一生身，所系菩提萨埵尊。
心子牢记此等利，发愿唯修净土愿，
应当纳受唯勤修，无量光佛观世音。

如是于马年八月下旬八、九二日，上下午座间，比丘恰
美述说，尊珠江措记录成文。愿吉祥！